

Tiranë

I nënshkruemi Jorgji Veveçka, rrobaqepës, banues në Tiranë, ka nderin me parashtrur këte lutje/:

I nderi daja im Milto Shallvari ka pasë një pjesë të Çiflikut Rrushkull, si trashgimtar i të ndyerit atit të tij Kostantin Shallvari.

Mirë po në kohë t'okupacionit italgjan i ndyeri Milto pa ndo një të drejt me një deshmi të pleqsis ngrëjti të gjith çiflikun mbi emnin e vetë tue lanë jashtë motren e tij dhe nanën t'eme *Sofia* dhe vleznit e tij të tjerë.

Sadoqë bani këte veprim zyrtar dhe për mos me vue në dyshim sjelljen e tij jo korekte kontra bashkë-trashgimtareve të tjerë, nanës s'ime nuk i mohonte të drejtën e saj deri sa kjo ishte gjallë dhe ma vonë mbas vdekjes saj, trashgimtareve që isha unë bashkë me motren t'ime Sofia, tue marë ne, deri sa Milto ishte gjallë, pjeserisht t'ardhurat e çiflikut.

Mbas vdekjes të Milto një e qujtun Maria (Lubica) nuk n'a njef si trashgimtarë dhe me disa debi imagjinare asht tue ~~mandue~~ mandue pronën me disa barrë reale të kotta për me humbë të drejten t'onë.

Përveç kesaj mar veshtë se edhe Shteti ynë asht tue mendue vumjen në zbatim të Reformës agrare në Çiflikun e Ri dhe Rrushkull, që sikurse përmenda ma sipër nuk zotnohet prej zonjes Lubica por prej meje dhe trashgimtareve të tjerë, gja kjo që vertetohet me dokumentat e paraqituna mbi trashigimi në Gjyqin që kemi ngrëhë për para Gjykates Kolegjiale të Tiranës, di dhe me provat tjera dhe faktet që për dita jemi tue parashtrur në Gjykatën në fjalë rreth së drejtes s'onë.

Për veç pjeses nanës i nënshkruemi trashigotë edhe pjesen që më vjen nga daja, Milto Shallvari, mbassi ky vdiq

pa lanë të paslindun.

Keshtu që unë kam pjesën e nanës dhe pjesën që më rrjedh trashigimisht prej Miltos.

Tue marrë para syshë se unë bashkë me disa trashgimtarë të tjerë kam ngrehë padi për vleftesim të të drejtave të mijs dhe nga ana tjetër se reforma agrare mund të aplikohet pa ndo një damë ma vonë kur se të dallohet nga gjyqi komtetent çeshtja e pronësies çiflikut sipërpërmendun lutem që zbatimi i saj të pezullohet përkohësisht dhe në rast që ky kërkim nuk mund të merret para syesh për arsyna shtetnore, at-herë lutem që çdo shumë që mund të paguhet nga shpronsimi përkates të mbahet në deponitë ose të derdhet në Bankën Kombtare deri në përfundim të padies që asht ende në vazhdim.

Tiranë 19/XII/1934

Me nderime

(Jorgji Veveçka)

Jorgji Veveçka



MINISTERIA E EKONOMIS KOMBTARE
21 DHJ 1934
TE LIQ.
2416

